

UMP rai mahasiswa iktiraf sumbangan



Kuantan, 13 Disember- Universiti Malaysia Pahang (UMP) meraikan seramai 54 mahasiswa yang aktif dalam kurikulum dan menyumbang dalam mengharumkan nama universiti dalam Majlis Sanjungan Pelajar anjuran Jabatan Hal Ehwal Pelajar dan Alumni (JHEPA) dalam mengiktiraf perkhidmatan dan sumbangan badan-badan pelajar serta tenaga penggerak bagi mengimarahkan pengalaman kampus di universiti ini.

Majlis menyaksikan mahasiswa yang memenangi 15 anugerah iaitu anugerah kepimpinan, kebudayaan, kesukanan, kesukarelawan, keusahawanan, pengucapan awam, daya usaha & inovasi, khidmat komuniti, badan beruniform, anugerah tokoh siswa, anugerah kelab terbaik, anugerah kelab harapan, anugerah penasihat terbaik, anugerah khas TNC hepa dan anugerah khas puspanita.

Penganjuran majlis ini membuktikan komitmen berterusan UMP dalam untuk mengiktiraf peranan signifikan para mahasiswa dalam konteks pembangunan Universiti ini, khususnya dari sudut kemahiran insaniah yang dicirikan kecemerlangan jasmani, emosi, rohani dan intelek sebagaimana aspirasi Falsafah Pendidikan Negara.



Menurut Timbalan Naib Canselor (Hal Ehwal Pelajar dan Alumni), Prof Dato' Dr Yuserrie Zainuddin berkata, nilai tambah daripada pelbagai inisiatif, program, projek dan aktiviti tersebut bukan sahaja bermanfaat dalam konteks pengayaan pengalaman kampus semasa menuntut di Universiti ini, tetapi dapat memberikan impak yang tidak sedikit dalam jangka panjang kepada peningkatan keterampilan diri dan kebolehpasaran anda sebagai graduan.

"Dalam membimbing perencanaan haluan operasi dan pelaksanaan aktiviti badan-badan pelajar sepanjang sesi 2017/2018, pihak JHPA akan melaksanakan kursus Student Management and Team Building (SMTB) dalam menumpukan aspek kepimpinan strategik, operasi organisasi, perancangan aktiviti dan semangat collegiality dalam kalangan pemimpin pelajar di UMP," katanya.

Tambah beliau, usaha ini selari dengan pelaksanaan Pelan Strategik UMP 2016-2020, khususnya untuk Lonjakan Strategik Keempat iaitu Kemampanan Sosioekonomi dan Persekuturan yang membawa semangat "Memasyarakatkan Teknologi" sebagai Tagline.

Selain itu, seiringan dengan Kementerian Pendidikan Tinggi dalam melaksanakan program Gap Year sejak bulan September 2017 turut memberi peluang kepada mana-mana pelajar yang berminat untuk menangguhkan pengajian selama dua semester untuk mengikuti program kesukarelawanan di agensi atau organisasi pilihan mereka sama ada untuk tujuan Gap Year National Service Volunteerism, Gap Year Vounteerism atau General Gap Year.

Katanya, pihak universiti turut berbangga dengan apabila mahasiswa dari Fakulti Kejuruteraan Elektrik & Elektronik iaitu Leftenan Muda Muhamad Asyraf Alias telah menyahut cabaran sebagai perintis Gap Year UMP dan kini menjalani latihan kelolaan Tentera Laut Diraja Malaysia.

Posted By : NORHIDAYAH BINTI MOHAMAD Date Posted : 14-12-2017, 16:31:39